

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 23. 24. i 25. Zakona o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05) i Zaključkom Vlade Zeničko-dobojskog kantona, broj: 02-11-6663/20 od 13.05.2020. godine, na prijedlog Ministarstva zdravstva, Vlada Zeničko-dobojskog kantona, na 55. sjednici, održanoj dana 13.05.2020. godine, d o n o s i

## ZAKLJUČAK

### I.

Zadužuje se Institut za zdravlje i sigurnost hrane Zenica da provede obaveznu protivepidemijsku dezinfekciju na području Zeničko-dobojskog kantona u skladu sa Program provođenja obavezne protivepidemijske dezinfekcije na području Zeničko-dobojskog Kantona u periodu maj - august 2020. godine, koji je sastavni dio ovog zaključka.

### II.

Sredstva za provođenje obavezne prozivepidemijske dezinfekcije obezbjedit će se unutarnjom preraspodjelom sredstava u Budžetu Zeničko-dobojskog kantona za 2020. godinu u okviru budžetskog korisnika Ministarstvo zdravstva.

### III.

Za realizaciju ovog zaključka zadužuju se Ministarstvo zdravstva, Ministarstvo finansija i Institut za zdravlje i sigurnost hrane Zenica, svako u okviru svojih nadležnosti.

### IV.

Zaključak stupa na snagu danom donošenja.

**PREMIJER**

*Mirza Ganić*

Broj: 02-\_\_\_\_\_ /20

Datum, 13.05.2020. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x Javna ustanova Institut za zdravlje i sigurnost hrane Zenica, putem Ministarstva,

1x Krizni štab Zeničko-dobojskog kantona, putem Ministarstva,

1x a/a.

# **P R O G R A M**

**Provođenja obavezne protivepidemijske dezinfekcije  
na području Zeničko-dobojskog Kantona  
u periodu maj - august 2020.godine**

Zenica, maj 2020. godine

## I UVODNE NAPOMENE

Obaveza provođenja preventivnih i protuepidemijskih DDD mjera, kao opštih i posebnih mjera u sprječavanju nastanka, pojave i širenja zaraznih oboljenja, a propisane su Zakonom o zaštiti stanovništva od zaraznih bolesti („Službeni list FBiH“ broj 29/05).

U navedenom Zakonu o zaštiti stanovništva od zaraznih bolesti u članu 23. propisano je:

### **Dezinfekcija, dezinskcija i deratizacija obuhvataju:**

- obaveznu preventivnu dezinfekciju, dezinskciju i deratizaciju - kao opću mjeru za sprječavanje pojave zaraznih bolesti i
- obaveznu protuepidemijsku dezinfekciju, dezinskciju i deratizaciju - kao posebnu mjeru za suzbijanje širenja određenih zaraznih bolesti.

Nadalje, kako je definisano članom 3. Pravilnika o načinu obavljanja obavezne dezinfekcije, dezinskcije i deratizacije („Službeni list FBiH 30/16), obavezne DDD mjere se provode kao:

- 1) Obavezne preventivne DDD mjere kao opće mjere za sprečavanje i suzbijanje zaraznih bolesti;
- 2) Obavezne DDD mjere kao posebne mjere za sprečavanje i suzbijanje zaraznih bolesti koje se provode radi:
  - a) sprečavanja pojave zaraznih bolesti - preventivna DDD kao opća mjera,
  - b) suzbijanja širenja određenih zaraznih bolesti - protuepidemijska DDD kao posebna mjera.

### **Posebne mjere za sprečavanje i suzbijanje zaraznih bolesti su:**

1. predstavljanje i zdravstveno vaspitanje o prevenciji zaraznih bolesti;
2. rano otkrivanje izvora zaraze i puteva prenošenja zaraze;
3. laboratorijska izolacija i identifikacija uzročnika;
4. prijavljivanje;
5. prijevoz, izolacija, hospitalizacija i liječenje oboljelih lica;
6. **dezinfekcija**, dezinskcija i deratizacija;
7. zdravstveni nadzor nad kliconošama, zaposlenicima i drugim licima;
8. imunizacija, imunoprofilaksa i hemoprofilaksa;
9. karantin, kućna izolacija i zdravstveni nadzor.

### **Član 2. Pravilnika o načinu obavljanja obavezne dezinfekcije, dezinskcije i deratizacije propisuje:**

- (1) Obavezne DDD mjere provode se u građevinama, postrojenjima, prostorima, prostorijama, na uređajima i opremi osoba koje obavljaju privrednu djelatnost i u djelatnostima na području zdravstva, odgoja, obrazovanja, socijalne zaštite, ugostiteljstva, turizma, obrta i usluga, sporta i rekreacije, objektima za snabdijevanje vodom za piće i uklanjanje otpadnih voda, te deponijama za odlaganje komunalnog otpada, u djelatnosti javnog prometa, u i oko stambenih

objekata, na javnim površinama i javnim objektima u gradovima i naseljima, te drugim objektima (u daljnjem tekstu: površine, prostori i objekti).

- (2) Provođenje obaveznih DDD mjera obavezni su osigurati vlasnici ili korisnici objekata i prostora iz stava 1. ovog člana, u skladu sa Zakonom o zaštiti stanovništva od zaraznih bolesti ("Službene novine Federacije BiH", broj 29/05).
- (3) Obavezne DDD mjere u objektima iz stava 1. ovog člana, na način određen ovim pravilnikom provode zdravstvene ustanove, privredna društva, te fizičke osobe-obrtnici ako za obavljanje te djelatnosti imaju odobrenje federalnog ministra zdravstva, u skladu sa Pravilnikom o uvjetima u pogledu stručne spreme zaposlenika, tehničke opremljenosti prostorija i drugih uvjeta kojima moraju udovoljavati zdravstvene ustanove, privredna društva odnosno fizičke osobe-obrtnici za obavljanje dezinfekcije, dezinsekcije i deratizacije

## **II OBAVEZNA PROTIVEPIDEMIJSKA DEZINFEKCIJA**

Zakon o zaštiti stanovništva od zaraznih bolesti („Službeni list FBiH“ broj 29/05), član 10, 23. i 24, određuje izvođenje obavezne preventivne dezinfekcije, dezinsekcije i deratizacije, kao opštu mjeru u sprječavanju pojave zaraznih oboljenja, a obaveznu protuepidemijsku deratizaciju, dezinfekciju i dezinsekciju određuje članom 25. Zakona o zaštiti stanovništva od zaraznih bolesti kao posebnu mjeru za suzbijanje širenja određenih zaraznih bolesti. Provodi se u skladu sa Pravilnikom o načinu obavljanja obavezne dezinsekcije, dezinfekcije i deratizacije (Sl.novine FBiH 30/16).

U skladu sa članom 18. Pravilnika o načinu obavljanja obavezne dezinfekcije, dezinsekcije i deratizacije („Službene novine FBiH“, broj 30/16) protivepidemijske mjere DDD provode zdravstvene ustanove: Zavod za javno zdravstvo Instituta za zdravlje i sigurnost hrane i higijensko-epidemiološke službe domova zdravlja, a koje posjeduju odobrenje Federalnog ministarstva zdravstva koje uključuje upotrebu otrova iz II i III grupe, mora zadovoljavati odredbe Pravilnika o uslovima u pogledu stručne spreme zaposlenika, tehničke opremljenosti, prostorija i drugih uslova kojima moraju udovoljavati zdravstvene ustanove, privredna društva odnosno fizička lica-obrtnici za obavljanje dezinfekcije, dezinsekcije i deratizacije („Sl.Novine FBiH, broj 30/16).

Članom 3. stav 2. Zakona o zdravstvenoj zaštiti (Službene novine FBiH broj 46/10 i 75/13) propisano je da je svako lice obavezno brinuti o svom zdravlju, dok je stavom 3. istog člana propisano da niko ne smije ugroziti zdravlje drugih ljudi. Neprovođenjem određenih mjera koje imaju za cilj sprječavanje širenja zaraznih bolesti, predstavlja akt ugrožavanja zdravlja ljudi, u posebne mjere zaštite zdravlja ljudi po članu 11. stav 6. spadaju provođenje dezinfekcije, dezinsekcije i deratizacije.

U članu 13. Pravilnika o načinu provođenja obavezne preventivne sistematske dezinfekcije, dezinsekcije i deratizacije, obavezna protuepidemijska dezinfekcija obavlja se pod uvjetima propisanim članom 25. Zakona o zaštiti stanovništva od zaraznih bolesti.

Obavezna protivepidemijska dezinfekcija vrši se prilikom pojave kolere, kuge, virusnih hemoragičnih groznica (Ebola, Lassa, Marburg), bjesnila, difterije, trbušnog tifusa, dječije paralize, dizenterije, tuberkuloze u zaraznom stadiju, zarazne žutice tipa A i legionarske bolesti, te drugih zaraznih bolesti ako postoje epidemiološke indikacije.

Obavezna protivepidemijska dezinfekcija vrši se u toku bolesti odnosno kliconoštva (dezinfekcija u toku) ili nakon ozdravljenja odnosno smrti bolesnika ili kliconoše (završna dezinfekcija), a u skladu sa članom 25. Zakona o zaštiti stanovništva od zaraznih bolesti.

Svaka zaražena osoba ne mora biti bolesna ali izlučuje viruse u vanjsku sredinu te se mogu naći na raznim mjestima gdje borave i rade ljudi, što predstavlja rizik za širenje zaraze.

Nadalje, prema procjenama epidemiologa i Svjetske zdravstvene organizacije ukupan broj oboljelih je veći od zvaničnog broja potvrđenih slučajeva zaraze (pa čak i do 10x) zbog čega se ne može utvrditi tačno mjesto boravka zaraženih lica, te su oni potencijalno na svim mjestima gdje borave ljudi.

U toj situaciji nije moguće utvrditi svakog kliconošu zbog čega je potrebno poduzeti sveobuhvatne mjere dezinfekcije širih razmjera.

Provođenjem protuepidemijske mjere dezinfekcije na sveobuhvatan i kontinuiran način na teritoriji cijelog kantona, u objektima i na način koji predloži nadležna higijensko-epidemiološka služba Zavoda za javno zdravstvo, procjena je da će se prekinuti putevi širenja zaraze odnosno spriječiti širenje zaraze preko kontaminiranih površina.

Na taj način nastoji se osigurati povoljna epidemiološka situacija, odnosno držanje epidemije pod kontrolom, kako bi se izbjegao smanjio pritisak na zdravstveni sektor kantona.

### **III CILJ I SVRHA OBAVEZNE PROTIVEPIDEMIJSKE DEZINFEKCIJE**

Program izvođenja obavezne protuepidemijske dezinfekcije na području Zeničko-dobojskog kantona u periodu maj - august 2020. godini ima nekoliko važnih ciljeva kojima se treba obezbijediti:

- Prevencija i suzbijanje zaraznih oboljenja naročito u epidemijskoj formi
- Zaštita životne i radne sredine;
- Zaštita ekonomskih, ekoloških i estetskih vrijednosti;

Da bi se ostvarili postavljeni ciljevi potrebno je zadovoljiti sljedeće uslove:

- Kontinuirano fazno provođenje mjera obavezne preventivne dezinfekcije u periodu trajanja epidemiološke opasnosti izazvane mogućnošću širenja Coronavirusa, Covid-19 (programom obuhvaćen period od tri mjeseca)
- Ispoštovati planirane rokove i intenzitet učestalosti tretmana predviđene programom
- Precizno odrediti kritične tačke na kojima se može usljed veće frekvence ljudi ili posebnih faktora kako bi se tim mjestima posvetila posebna pažnja
- Uvesti monitoring nad realizacijom programa protivepidemijskih mjera

### **IV IZBOR SREDSTAVA ZA DEZINFEKCIJU**

Prema Pravilniku o uslovima u pogledu stručne spreme zaposlenika, tehničke opremljenosti prostorija i drugih uslova kojima moraju udovoljavati zdravstvene

ustanove, privredna društva, odnosno fizičke osobe za obavljanje dezinfekcije, dezinfekcije i deratizacije, i prema odluci Ekspertne grupe za nadzor zaraznih bolesti Ministarstva zdravstva Federacije Bosne i Hercegovine, kao i prema već proklamovanim stavovima Evropske zajednice, obavezna protivepidemijska dezinfekcija će se izvoditi isključivo sa dezinficijensima provjerenog kvaliteta, izrađenim prema licenciranim standardima Evropskih proizvođača.

Opredjeljenja za ovakav način rada u Evropi pokazala su izuzetnu visoku efikasnost, jer svi proizvodi imaju referalne vrijednosti, pa se time izbjegava svaka improvizacija i mešetarenja sa sredstvima i preparatima za dezinfekciju.

Sredstva koja će se koristiti (dezinficijensi) moraju zadovoljiti sljedeće:

1. Moraju biti u skladu sa Programom provođenja obavezne protivepidemijske dezinfekcije na području Zeničko-dobojskog kantona
2. Gotovi preparati moraju zadovoljavati propisane standarde u pogledu koncentracije aktivne materije, konstitucije preparata i drugih fizičkih i hemijskih karakterisitka te svi preparati moraju imati odgovarajuću dozvolu za upotrebu u BiH i sigurnosno tehničke listove
3. Dezinficijensi moraju imati deklaraciju proizvodnje, kao i certifikat o kvalitetu;

**Karakteristike općina Zeničko-dobojskog kantona** od značaja za pripremu i provođenje programa obavezne protivepidemijske dezinfekcije:

Općina/grad	Površina u km <sup>2</sup>	Broj stanovnika	Gustina naseljenosti (stanovnika po km <sup>2</sup> )
Breza	72,9	14.564	200
Doboj Jug	10,2	4.409	432
Kakanj	377,0	38.937	103
Maglaj	252,0	24.980	99
Olovo	407,8	10.578	26
Tešanj	155,9	46.135	296
Usora	49,8	7.568	152
Vareš	390,1	9.556	24
Visoko	230,8	41.352	179
Zavidovići	556,0	40.272	72
Zenica	558,5	115.134	206
Žepče	282,0	31.582	112
KANTON	3.343,0	385.067	115

Prilikom korištenja sredstava za dezinfekciju obavezno je :

1. Pridržavanje uputstava za korištenje koje je naveo proizvođač sredstva za dezinfekciju
2. Izbjegavanje kontakta sredstva sa očima i kožom
3. Držanje van dohvata lica koja nisu stručno osposobljena za provođenje mjera dezinfekcije
4. Onemogućavanje kombinovanja više različitih sredstava za dezinfekciju
5. Primjeniti sredstava koja će se uskladiti sa minimalnim rizikom za okolinu

## V KOLIČINA I VRSTE MATERIJALA I SREDSTAVA KOJA SE PLANIRAJU UTROŠITI U PROVOĐENJU OBAVEZNE PROTIVEPIDEMIJSKE DEZINFEKCIJE

Sredstva koja će se koristiti u provođenju obavezne protivpidemijske dezinfekcije moraju biti na bazi slijedećih aktivnih materija (sastava) i u slijedećim količinama:

RB	Hemijski sastav sredstava za dezinfekciju (aktivna materija)	Jedinica mjere	Vrsta sredstva	Planirana količina
1	Sredstva na bazi benzalkonij hlorida	Kg ili l	Koncentrat	60
2	Sredstva na bazi natrijum dihlorida	Kg ili l	Koncentrat	30
3	Sredstva na bazi dimetilbenzil amonijum hlorida	Kg ili l	Koncentrat	30
4	Sredstva na bazi etanola i izopropanola	Kg ili l	Otopina	50
5	Sredstva na bazi etanola i hlordeksid-diklugonata	Kg ili l	Otopina	30
8	Sredstva na bazi didecilmetilamonij hlorida	Kg ili l	Koncentrat	20
<b>UKUPNO</b>				<b>220 l/kg</b>

## VI METODE IZVOĐENJA OBAVEZNE PROTIVEPIDEMIJSKE DEZINFEKCIJE

U članu 13. Pravilnika o načinu provođenja obavezne preventivne sistematske dezinfekcije, dezinfekcije i deratizacije, obavezna protuepidemijska dezinfekcija obavlja se pod uvjetima propisanim članom 25. Zakona o zaštiti stanovništva od zaraznih bolesti. Obavezna protivpidemijska dezinfekcija vrši se prilikom pojave kolere, kuge, virusnih hemoragičnih groznica (Ebola, Lassa, Marburg), bjesnila, difterije, trbušnog tifusa, dječije paralize, dizenterije, tuberkuloze u zaraznom stadiju, zarazne žutice tipa A i legionarske bolesti, te drugih zaraznih bolesti ako postoje epidemiološke indikacije.

«Obavezna» znači da je društvena zajednica ovu mjeru dužna provesti na osnovu Zakona o zaštiti stanovništva od zaraznih bolesti, te je dužna (putem inspeksijskih i drugih organa) osigurati da ovu mjeru provedu i pravna i fizička lica, koja su vlasnici ili korisnici prostora i površina koje podliježu obaveznoj protuepidemijskoj dezinfekciji.

«Sistematska» označava metodologiju rada koja podrazumijeva da će se, po istoj metodologiji, sa istim preparatima i u što kraćem vremenskom periodu provesti na cjelokupnom području Kantona.

U slučaju pojave nekog od zaraznih oboljenja, u skladu sa epidemiološkim indikacijama, provodi se dezinfekcija, ograničena na šire ili određeno područje i objekte, sve do prestanka opasnosti za daljnje širenje oboljenja, ili stavljanje istog pod

kontrolu ili prestanak opasnosti od širenja, je **obavezna protivepidemijska dezinfekcija**.

Pri provođenju obavezne protivepidemijske dezinfekcije, kako bi ista polučila željene ciljeve neophodno je da ispunjava slijedeće kriterije:

### **Kontinuitet**

Dezinfekciju je neophodno provoditi kontinuirano, kroz minimalno 3 ciklusa provođenja u skladu sa epidemiološkom situacijom, sve do momenta proglašenja prestanka stanja epidemiološke opasnosti. S obzirom na specifičnost epidemiološke situacije, na lokalnom ali i globalnom nivou, mjere protivepidemijske dezinfekcije nužno je provoditi kontinuirano u objektima koji su u funkciji, dok su mjere dezinfekcije nužne provesti prije ponovnog stavljanja u upotrebu svih prostora poslovnih subjekata koji za vrijeme epidemiološke opasnosti nisu u funkciji. Intervali provođenja mjera obavezne protivepidemijske dezinfekcije trebaju nužno biti usklađeni sa stepenom frekvence ljudi, kao i svrhom namjene individualnih objekata.

### **Sveobuhvatnost**

Sveobuhvatnost podrazumjeva provođenje mjera obavezne protivepidemijske dezinfekcije u svim objektima koji su trenutno u funkciji, kao i objekata koji su od javnog značaja nakon njihovog ponovnog pokretanja i stavljanja u promet;

### **Istovremenost**

Na određenom području na kome se provodi obavezna protivepidemijska dezinfekcija, nužno je provesti istu u što kraćem vremenskom rasponu;

### **Intenzivnost**

Moraju se primjeniti sredstva koja će uz minimalnu štetnost za okolinu i sve druge činbenike prouzrokovati maksimalni željeni efekat.

### **Umjerenost**

Treba obezbijediti kompromis između intenzivnosti i ekoloških mogućnosti apsorbovanja upotrijebljenih sredstava;

### **Periodi provođenja mjera obavezne protivepidemijske dezinfekcije**

Kako bi se epidemiološka situacija održavala stabilnom neophodno je kontinuirano provođenje obavezne protivepidemijske dezinfekcije, sa ciljem smanjenja rizika po zdravlje populacije adekvatnim i pravovremenim tretmanima, kao i dezinfekcija svih područja koja bi potencijalno mogla biti mjesto kontaminacije, odnosno daljnjeg širenja bolesti.

Obavezna protivepidemijska dezinfekcija provoditi će se u ustanovama i objektima na kojima je u periodu ograničenja kretanja najveća frekvencija ljudi zbog prirode posla ili namjene same objekta.



Obavezna protivepidemijska dezinfekcija provodit će se u općinskim i kantonalnim javnim zdravstvenim ustanovama, zatim na objektima predviđenim za boravak ili povećanu frekvencu većeg broja ljudi, kao i u objektima kulture, vjerskim objektima, objektima predškolskog odgoja i školskog obrazovanja, kao i Univerzitetima i fakultetima.

Obavezna protivepidemijska dezinfekcija provodit će i u objektima javnih ustanova koje svoju djelatnost obavljaju sa klijentima, privredni subjekti koji svoju djelatnost obavljaju sa klijentima, trgovine i veleprodaje prehrambenih artikala, namirnica opšte upotrebe, farmacije i veledrogerije, ali i područja i objekti koji kao takvi predstavljaju mjesto susreta i boravka ljudi, mogućnost interhumane komunikacije i kontakta, ili se smatraju mjestima potencijalnog rizika.

Provođenje mjera ići će u sveobuhvatnim turnusima u periodu od mjeseca maja do mjeseca augusta.

**Plan provođenja obavezne protivepidemijske dezinfekcije na području ZDK:**

R.b.	Objekti	Ciklus I	Ciklus II	Ciklus III
1	Vaspitno obrazovni objekti i objekti kulture (muzeji, školski objekti, fakulteti...)	Da	Da	
2	Kolektivni centri za smještaj i boravak izbjeglih i prognanih lica	Da	Da	
3	Objekti kantonalnih i općinskih javnih zdravstvenih ustanova	Da	Da	Da
4	Kantonalne institucije i njihove ispostave	Da	Da	Da
5	Vjerski objekti	Da	Da	Da
6	Objekti i površine svih fizičkih i pravnih lica koji obavljaju poslovnu djelatnosti	Da		
7	Objekti za proizvodnju i promet živežnih namirnica i predmeta opće upotrebe	Da		
8	Objekti za pružanje usluga javne higijene	Da		
9	Zajednički prostori stambenih jedinica (rukohvati, ulazna vrata haustora, kontaktne površine, lift i stubišni prostor)	Da	Da	
10	Objekti gradskih/općinskih javnih zdravstvenih ustanova sa pripadajućim vanjskim površinama	Da	Da	Da
11	Gradske/Općinske institucije i njihove ispostave	Da	Da	Da
12	Objekti i sredstva javnog saobraćaja	Da		
13	Odgojno obrazovni objekti i objekti socijalnog karaktera (vrtići, domovi za njegu, smještaj i boravak starih i iznemoglih lica i lica sa posebnim potrebama)	Da	Da	Da

\*Dodatni detalji o načinu, uslovima i intervalima provođenja biti će precizirani u operativnim planovima.

## **VII IZRADA OPERATIVNOG PLANA OBAVEZNE PROTIVEPIDEMIJSKE DEZINFEKCIJE NA PODRUČJU ZENIČKO-DOBOJSKOG KANTONA**

Obavezna protuepidemijska dezinfekcija Zeničko-dobojskog kantona u 2020. godini će se izvršiti na osnovu **Operativnih planova** za Kanton, iz kojeg proizilaze operativni planovi i planovi provođenja mjera po danima i područjima.

Obavezna protivepidemijska dezinfekcija će se na cijelom području kantona vršiti u skladu sa doktrinom preventivne medicine, sredstvima koja se nalaze na listi odobrenih i koja zadovoljavaju ekološke standarde.

### **Operativni planovi za područje općine moraju najmanje sadržavati:**

- Opis mjera koje se provode kao i naziv površina i objekata na kojima se provode mjere po danima;
- Obim rada u odnosu na površinu objekata i okolinu;
- Angažovani kadar (broj i stručna sprema);
- Opis postupaka dezinfekcije i način provođenja
- Specifikaciju sredstava za provođenje mjera
- Vozni park;
- Redoslijed za provođenje svih planiranih mjera;

## **VIII OBAVJEŠTAVANJE JAVNOSTI**

Obveznik provođenja obavezne protivepidemijske dezinfekcije je dužan prije početka izvođenja svake faze na adekvatan način obavijestiti javnost, građane i druga pravna i fizička lica o početku, rokovima i načinu izvođenja obaveznih mjera. Obavještanje o provođenju obavezne protivepidemijske dezinfekcije će se vršiti oglašavanjem u sredstvima javnog informisanja, prije i u toku izvođenja aktivnosti.

Izvođač obavezne protivepidemijske dezinfekcije je obavezan vidljivo označiti svaki objekat ili površinu koja je tretirana.

## **IX NADZOR I KONTROLA IZVOĐENJA OBAVEZNE PROTIVEPIDEMIJSKE DEZINFEKCIJE**

Nadzor predstavlja organizovanu aktivnost čija je zadaća sistematsko prikupljanje, analiziranje i korištenje relevantnih podataka u vezi izvođenja obavezne protuepidemijske dezinfekcije.

**Upravni (inspeksijski) nadzor** će vršiti sanitarna inspekcija u skladu sa svojim ovlaštenjima, a u cilju uspješnog izvođenja.

Kontrola izvođenja provedenih protuepidemijskih mjera dezinfekcije, od strane sanitarne inspekcije ili komunalne inspekcije, je predviđena u dva navrata: prije početka akcije i u fazama samog izvođenja, što će se konstatovati zapisnicima sanitarnih inspektora i što je u njihovoj nadležnosti.

Predmet inspekcijskih kontrola će sadržavati: kontrolu validnosti sredstava (vrsta, rokovi valjanosti), opremu (posjedovanje i korištenje iste od strane izvođača), kadrove i tehnička pomagala, kao i kontrolu objekata i površina koje se tretiraju.

## X IZVJEŠTAVANJE

Izvođač je dužan za vrijeme rada voditi evidenciju o izvršenom poslu u pisanoj formi.

## XI PREGLED TROŠKOVA

R.b.	Vrsta troška	Jedinična cijena	Količina	Ukupno
1	Angažman radnika (dnevni iznos - bruto)	77,63	1030	79.958,90
2	Topli obrok angažovanog osoblja	9,42	1030	9.702,60
3	Zaštitna odjela	11,1	1030	11.433,00
4	Zaštitne maske	0,8	1030	824,00
5	Vozila (iznajmljivanje)	24	515	12.360,00
6	Dezinfekciona sredstva	20	220	4.400,00
7	Troškovi štampanja (potvrde, naljepnice, blokovi, evidencione liste )	cca		1.000,00
8	Troškovi skladištenja sredstava i opreme	cca		1.000,00
9	Troškovi odlaganja medicinskog i infektivnog otpada	cca		1.500,00
10	Rukavice	22,8	120	2.736,00
11	Dezinfekciona sredstva za ličnu upotrebu (po 100 ml)	4,85	120	582
12	Gorivo (KM dnevno)	15	515	7.725,00
<b>UKUPNO</b>				<b>133.221,50</b>